

綱鑑易知錄

宋

六十五卷六

713
537
35



113
537
35

尺木堂綱鑑易知錄卷六五

天
三
十
五
年
二
月
花
廣
仙
大
氏
寄
贈

周之炯靜專

綱目續編定本

山陰吳乘權楚材同輯

周之燦星若

宋紀

太宗皇帝

綱 辛巳六年春三月皇子興元尹德芳卒。贈中書令岐王綱

夏六月薛居正卒。居正輔相十八年寬簡不苛。何

察衆論賢之。因服丹砂遇毒。方奏事疾作輿歸遂卒。

綱鑑易知錄

卷六五

宋太宗

一

不肖子安
在

田錫進封
事

帝親臨其喪。為之流涕。居正子惟吉。素無行。帝存問其家。因曰。不肖子安在。頗改節否。不克負荷先業。奈何。惟吉伏喪側。懼赧不敢起。自是盡革故態。讀書親賢士。脩飭為善。其後帝數朔委以大藩。所至稱治。綱秋九月。罷左拾遺田錫。目時盧多遜專政。羣臣章奏必先白多遜。然後敢通。又必於閣哈門署狀云。不敢妄陳利便。希望恩榮。錫貽書多遜。乞免署狀。多遜不悅。出錫為河北見上卷末南路轉運副使。錫因入辭。直進封事密奏也。言朝廷大體者四。其一。乞脩德以來遠宜。

罷交州今安南國屯兵。其一。言今諫官不聞廷爭。給事中不聞封駁。左右史不聞升陞。記言動。御史不敢

彈奏。中書舍人未嘗訪以政事。集賢院雖有書籍。而無職官。秘書省雖有職官。而無圖籍。願擇才任之。使各司其局。其三。言闕西苑。廣御池。而尚書省湫隘。見

一。卷郎官無本局。尚書無聽事。中庭也九寺。見四三卷

二。監祕書將作國子寓天街之兩廊。貢院就武成王廟。見上卷

三。是豈太平之制度邪。願別脩省寺。見六十一卷用列職官。其四。言按獄官。今枷。杻。鉗。鎖。皆有定式。今以鐵為

以鐵為枷

柳於法所無去之可也。帝覽疏，優詔褒答，賜錢五十

萬。**綱**以趙普為司徒兼侍中。**目**普奉朝請。見上卷累

年。盧多遜益毀之。謂普初無立上意。普鬱鬱不得志。

會晉邸。太宗初為晉王之邸。邸見四八卷四。舊僚柴禹錫、趙鎔、楊守

一。告秦王廷美驕恣，將有陰謀，竊發。帝疑，以問普。

因言願備樞軸。樞，戶樞也。軸，車軸也。樞軸見四九卷二。以察姦變。

且自陳曰：臣忝舊臣，為權倖所沮。謂盧遂備道預聞

昭憲太后顧命。見上卷及前朝上表自訴。見上卷等事

帝發金匱。見同得誓書及覽普前表，因名見謂曰：人

趙普復相

誰無過，朕不待五十，已知四十九年非矣。莊周稱遽

五十九年之非。乃拜普司徒兼侍中，封梁國公。**綱**以石

熙載為樞密使。冬十一月，楚昭輔罷。**綱**女真遣使入

貢。**目**帝欲伐契丹，以詔賜定安國王，令張犄角之勢。

定安本馬韓之族，其王烏玄明亦怨契丹侵侮，欲依

中國以據宿憤。得詔大喜，因女真遣使朝貢，道出定

安，附表來上。帝優詔答之，付女真使者，令齎以賜焉。

綱壬午，七年春三月，罷秦王廷美為西京留守。夏

四月，以柴禹錫為樞密副使。**目**或又告廷美欲因帝

女真

幸西池即金明池在開封府城西為亂遂罷廷美開封尹以土變

見四六卷二四進禹錫樞密副使楊守一樞密都承旨趙鎔

東上閣蛤門使初昭憲太后遺命太祖傳位於帝意

欲帝傳之廷美以及德昭故帝即位之初命廷美尹

開封而德昭德芳等皆稱皇子及德昭不得其死德

芳相繼夭歿廷美始不自安他日帝以傳國意訪之

趙普普對曰太祖已誤陛下豈容再誤廷美遂得罪

綱以竇侂稱郭贊參知政事初帝尹開封侂為判

官以推官賈琰塩上佞諛於坐座叱之曰賈氏子巧

已誤豈容再誤

趙普陷秦王

言令色豈不愧於心哉衆皆失色帝因重侂之直至

是謂侂曰賞卿之叱賈琰也綱勒秦王廷美就第流

盧多遜于崖州目趙普復相多遜不自安普屢諷令

引退而多遜貪固權位不能決會普廉察得多遜交

通秦王事帝大怒責授兵部尚書越二日下御史獄

命翰林承旨李昉等雜治之多遜具狀累遣中書守

堂官趙白以機事密告廷美且云願宮車晏駕見三十卷三

十盡力事大王廷美亦遣小吏樊德明報多遜云承

旨言正會我意因遺去之弓箭多遜受之獄上詔文

武集議。王溥等奏廷美多遜。誼阻去。呪書。怨望大逆。

不道。宜正刑章。詔削奪多遜官爵。流崖州。今廣東瓊州府。并

徙其家屬。期親於遠裔。具。趙白樊德明等悉斬於都

門外。廷美勒歸私第。綱。沈倫罷。坐與盧多遜同列。不能覺察。降授工部尚

書。綱。五月。貶秦王廷美為涪陵縣公。安置房州。綱。

趙普又以廷美居西京非便。諷知開封府李符上言

廷美不悔過而怨望。乞徙遠郡以防他變。詔降封廷

美為涪陵今四川重慶府涪川縣。公房州今湖廣鄖陽府房縣。郎音云。安置。

普又恐符言泄。乃坐符他事。貶寧國司馬。綱。定難雷

符趙普諷李

後李繼捧入朝。獻銀夏綏宥四州。六月。繼捧弟繼遷

叛。走地斤澤。綱。夏州今陝西寧夏備定難節度治也。自李思恭定難節度

使以來。未嘗親朝中國。至是繼捧率其族入朝。帝嘉

之。賜賚甚厚。繼捧陳其諸父昆弟多相憖怨。乞納其

境內夏綏銀宥四州。畱京居之。帝為遣使如夏州。護

總。麻已上親赴闕。以曹光實為四州都巡檢使。時繼

捧族弟定難軍都知蕃落使繼遷。畱居銀州。聞使至。

乃詐言乳母死。出葬於郊。遂與其黨數十人奔入地

斤澤。出其祖像以示戎人。戎人拜泣。從者日衆。澤距

夏州東北三百里。

靜軒周氏曰。觀此。可以知夷夏之大機也。何者。宋併列國。天下一統。中國之地。所未復者。關北之幽燕。關西之銀夏耳。幸而繼捧仗義入朝。獻地。繼遷跋扈。逃匿窮荒。厥後浸強。而不可制。遂為子孫。西顧之憂。詎不深可惜哉。故綱目於繼捧。則書入朝。繼遷。則書叛走。順逆之情。見矣。褒貶之法。嚴矣。雖然。自繼遷叛走。而釀成西夏之禍。是亦氣數之適然。夫豈人謀也。耶。綱目書此。亦謹微之意云。

釀成西夏之禍

遼聖宗耶律隆緒

綱秋。九月。契丹耶律賢死。子隆緒立。年十二。復國號。日大契丹。綱冬。十一月。以李繼捧為彰德節度使。帝嘗問繼捧曰。汝在夏州。用何道以制諸部。對曰。羌人驚

至悍。如驚鳥之猛悍。但羈縻而已。非能制也。

綱癸未。八年春。正月。罷樞密使曹彬。以王顯弼。米德

超為樞密副使。且酒坊使弼。德超有寵於帝。覲記。希幸。

也。代曹彬之位。乃自鎮州。見上卷二。乘傳轉去聲。驛車。以急變

聞。曰。彬秉政久。得士心。將為不利。且誣以事為徵。帝

信之。郭贄極言救解。不聽。遂出彬為天平節度使。而以顯德超並為副使。綱二月。以宋琪其參知

政事。綱三月。宴進士于瓊林苑。帝親試禮部貢士

於講武殿。始分三甲。錫宴於瓊林苑。寵之以詩。遂為

甲之始。

宴進士于瓊林苑。進士分三甲之始。

定制。綱夏四月。弭德超有罪。流瓊州。德超以不得
 樞密使。怨望。居常快快。一日。詬王顯。柴禹錫曰。我言
 國家大事。有安社稷功。止得線許大官。汝等何人。反
 在吾上。我實恥之。言頗侵帝。顯奏之。詔鞠問。德超
 具伏。遂奪官秩。禁錮瓊州。今廣東瓊州府而死。帝始悟。曹彬
 之誣。待之加厚。綱六月。以王顯為樞密使。帝語去聲
 顯曰。卿世家本儒。少遭兵亂。失學。今典機務。無暇博
 覽羣書。能熟讀軍戒三篇。亦可免於面牆。因取賜之。
 綱秋七月。郭贄免。以李昉參知政事。八月。石熙載

賜王顯軍
戒三篇

血山非假
山

罷。綱冬十月。以姚坦為益王府翊善。王帝第五子
 元傑也。嘗作假山。名僚屬置酒。衆皆褒美。坦獨俛同
 首。王彊使視之。坦曰。但見血山。安得假山。王驚問故。
 坦曰。坦在田舍時。見州縣督稅。上下相急。父子兄弟。
 鞭笞苦楚。血流滿身。此假山。皆民租所出。非血山而
 何時。帝亦為假山未成。聞之。亟毀焉。王每有過失。坦
 輒盡言規正。左右教王稱疾。帝憂甚。召乳母問狀。乳
 母曰。王本無疾。徒以姚坦檢束。不得自便耳。帝怒曰。
 吾選端士輔王為善。今乃使我逐正人。王年少。豈解

械此也。必爾輩教之杖乳母於後園。召坦慰諭之。綱

趙普陷君不義

趙普罷義趙普輔相兩朝。可謂君臣相遇者矣。然以

見而其功過。有不足言矣。綱目普罷為武勝軍治

於其罷而去其官者。惡之也。綱目普罷為武勝軍治

府鄧州節度使。帝作詩餞之。賜宴長春殿。普奉捧詩

泣曰。陛下賜臣詩。當刻石與臣朽骨同葬泉下。帝為

去之動容。翌日帝謂宰相曰。普有功國家。朕昔與遊

今齒髮衰矣。不欲煩以樞務。擇善地處之。因詩以導

意。普感激泣下。朕亦為之墮淚。宋琪對曰。昨普至中

書。執御詩涕泣。謂臣曰。此生餘年無階上。答庶希來

世得効犬馬力。臣昨聞普言。今復聞宣諭。君臣始終

可謂兩全。綱十一月。以宋琪李昉同平章事。李穆呂

蒙正李至參知政事。張齊賢王沔勉簽書樞密院事。

得人為泰之初九

觀綱目備載此條。則太宗得人。易泰卦初九。拔

茅根也。彙類也。言眾賢在下。相連而進。目昉初與盧

多遜善。多遜屢譖昉。人或以告昉曰。盧與我厚。不當

爾。帝嘗語及多遜事。昉頗為解釋。帝曰。多遜居常毀

卿不直一錢。昉始悟。帝由此益重之。遂與琪並相。帝

又謂蒙正曰。古所謂君臣道合者。情無閒諫耳。凡士

例

未達見當世之務戾於理者則快快於心及列於位得以獻可替否當盡其所蘊言或未中亦當僉議而更之俾協於道朕固不以崇高自恃使人不敢言也蒙正初入朝堂有朝士指之曰此子亦參政邪蒙正佯為不知而過之同列不能平詰其姓名蒙正遽止之曰若一知其姓名則終身不能忘不若弗知之為愈時人服其量綱以呂文仲為翰林侍讀王著為待書日帝勤於讀書自己至申然後釋卷詔史館脩太平御覽一千卷日進三卷宋琪以勞瘁諫帝曰

呂蒙正不詰朝士姓名

太平御覽

開卷有益

求遺書

開卷有益不為勞也朕欲周歲讀遍是書耳每暇日則問文仲以經義著以筆法

綱甲申雍熙元年春正月求遺書日時三館見上卷四四

所貯遺帙姪書卷編次日帙尚多乃詔募中外有以書來上

及三百卷當議甄真察也錄酬獎餘第卷帙之數等級

優賜不願送官者借其本寫之由是四方之書聞出

矣綱涪陵公廷美以憂卒日廷美至房州憂悸忌成

疾薨年三十八追封涪王謚曰悼以其子德恭德隆

為刺史綱李穆卒日帝臨其喪哭謂侍臣曰穆操履

太宗哭李穆

罷封禪以災

純正真不易得。朕方倚用，遽爾淪沒，非穆之不幸，乃朕之不幸也。綱夏四月，羣臣請封禪。見八卷五許之。五月，乾元文明殿災。六月，詔求直言，罷封禪。帝既詔以十一月有事於泰山。見同上命翰林學士扈蒙等詳定儀注矣。五月，乾元文明二殿災，詔求直言，遂罷封禪。知睦州今浙江嚴州府田錫上疏略曰：給事中不得其人，左右補遺不舉其職，致陛下有朝令夕改，捨近謀遠之事。又言：時久升平，天下混一，故左取右奉，致陛下以功業自多。然臨御九年，四方雖寧，而刑罰未甚措水。

田錫疏略

早未甚調，陛下謂之太平，誰敢不謂之太平。陛下謂之至理，誰敢不謂之至理。又言：宰相若賢，當信而用之；宰相非賢，當擇而任之。何以置之為具臣而疑之若衆人也。

可謂逢君之惡

靜軒周氏曰：封禪非清朝之令典，乃衰世之妄為。堯舜禹湯之時，治隆俗美，天下寧謐，然未聞其封禪而致是也。漢晉隋唐之世，生民塗炭，四海未安，然未聞其不封禪而致是也。太宗繼體天下，小康而羣臣遽有封禪之請，可謂逢君之惡者矣。迨夫乾元文明相繼被災，乃始求言而寢前詔，則帝之心庶幾不惑焉耳。故書羣臣請封禪所以惡其佞書許之所以著其惑書乾元文明殿災以見天變之告戒書詔求直言罷封禪以美太宗之警省詳書於冊美惡自見。

綱冬十月華山見六三卷六隱士陳搏入朝。曰帝之即位

也。名搏入見。現待之甚厚。至是復至。帝謂宰臣曰。搏

獨善其身。不干勢利。方外之士也。遣中使送至中書

宋琪等從容問曰。先生得玄默脩養之道。可以教人

乎。搏曰。搏山野之人。於時無用。亦不知神仙黃白之

事。見同上吐納養生之理。非有方術可傳。假令白日上

升。見同上亦何益於世。今聖上龍顏秀異。有天日之表。

博達古今。深究治亂。真有道仁聖之主也。正君臣協

心同德。興化致治之秋。勤行脩煉。無出於此。琪等以

白日上升何益於世

勤行脩煉無出於此

希夷先生

聞帝益重之。賜號希夷先生。老子上篇聽之不聞名曰希視之不見名曰夷

還華山。尋卒。綱知夏州。見上尹憲襲李繼遷。憲與曹光實襲

繼遷於破走之。綱十二月立妃李氏為皇后。后淄州刺史處

女。綱賜京師大酺。見十二卷十三日

綱乙酉二年春二月李繼遷誘殺都巡檢使曹光實。

遂襲銀州。今陝西延安府米脂縣據之。綱遣知秦州。今陝西鞏昌府秦州

田仁朗等將兵討李繼遷。綱夏四月江南饑。遣使。綱

宴羣臣于後苑。按劉氏書法凡書宴譏也然君臣同樂固云美矣太宗以四海底定

縱酒為樂不亦過乎。是時江南饑饉民不聊生西北用師殆無虛日。宋之君臣正當嚴恭寅畏講求治理。

綱監易知錄 卷六十五 宋太宗 十一

宴羣臣于後苑

尚慮弗及而太宗以四方無事賞花曲宴謂之何哉
綱目上書江南饑下書宴羣臣於後苑其義自見矣

目先是帝名宰相近臣賞花於後苑謂之曰春風暄

和萬物暢茂四方無事朕以天下之樂為樂宜令侍

從詞臣賦詩至是名輔臣三司使翰林樞密直學士

尚書省四品兩省五品以上三館學士宴於後苑賞

花釣魚命羣臣賦詩因習射水心殿賞花曲宴私宴也

自此始綱徵田仁朗還五月副將王侁擊李繼遷

走之銀麟今延安府神木縣夏州蕃內附綱秋九月廢楚王

元佐為庶人目元佐帝長子少聰警貌類帝帝鍾愛

楚王孝友

之廷美遷房州元佐嘗力救及廷美死遂發狂疾至

以小過操挺庭上聲杖也刃傷侍人疾少閒如字帝為

去聲救天下會重九詔諸王宴射苑中元佐以新瘡蔡

瘡亦不預及諸王宴歸暮過元佐元佐恚惠怒恨也曰

若也等待上宴我獨不預是棄我也因發憤被酒夜

縱火焚其宮帝大怒廢為庶人均州見四卷六安置宋

琪率百官三上表請留之京師帝許之召還居於南

宮綱遣使如高麗目時議伐契丹以高麗見四卷一

卷二與之接壤數朔為所侵命韓國華齋詔諭令發

兵西會高麗遷延未即奉詔國華屢移檄督之得報發兵乃還綱冬十二月宋琪柴禹錫免

綱丙戌三年春正月以曹彬田重進潘美等為都部

署將兵伐契丹目初賀懷浦將兵屯三交今直隸河

縣好議邊事與其子知雄州見卷六十三令圖上言契丹

主少母后專政寵倖用事請乘其釁以取燕即幽州

卷三 薊上見同帝信之以曹彬為幽州道行營都部署

崔彥進副之米信為西北道都部署杜彥圭副之出

雄州田重進為定州見上路都部署出飛狐道名在山西大

賀懷浦父子請取燕薊

同府廣 潘美為雲即大應今大同朔今大同等州都

部署楊業副之出鴈門今山西太綱李至龍疏諫

也故綱二月李繼遷降契丹目契丹以為定難見上五

節度使都督夏州諸軍事綱三月曹彬取涿州見上

綱田重進敗契丹兵于飛狐綱潘美取寰環同府馬邑

縣朔應雲州綱夏四月田重進取蔚鬱州今大同綱

五月曹彬引兵退彬居涿旬日食與契丹耶律休哥

戰于岐溝關名在涿敗績帝聞敗名彬米信及崔彥

潘美還代州綱契丹復陷蔚寰州綱潘美副將楊業進兵

曹彬岐溝之敗

楊業死節

張齊賢自請知代州

擊契丹。敗績。轉戰至陳家谷。死之。契丹復陷雲。應。朔。諸城。**綱**六月。以辛仲甫參知政事。**綱**秋七月。貶曹彬為右驍衛上將軍。崔彥進米信以**綱**以張齊賢知代州。**目**帝以楊業死。訪近臣可知代州者。時齊賢以言事頗忤帝意。因請行。乃命與潘美同領緣邊兵馬。**綱**八月。以王沔張宏為樞密副使。**綱**冬十二月。契丹隆緒。見上大舉入寇。瀛州。今直隸河間府部署劉廷讓與戰。敗績。契丹誘執知雄州賀令圖。遂掠邢。今直隸順德府深。今直隸定府德。今山東濟南府德州。**綱**張齊賢敗契丹于代州。**目**契

丹薄。博也代州城。副部署盧漢贊。實畏懦。保壁。軍自

固。齊賢選廂軍二千出禦之。誓衆感慨。無不一當百。契丹少却。先是齊賢遣使約潘美。以并。見上卷師來

會戰。使為契丹所執。俄而美使至云。師出至百井。見三卷得密詔云。東路王師敗衄。肉也并之全軍不

張齊賢計敗契丹

列幟然芻

許出戰。已還州矣。時契丹兵塞川。齊賢曰。敵知美來。而不知美退。乃閉美使室。中夜發兵二百人持一幟。負一束芻。距州西南三十里。列幟然芻。契丹遙見火。光中有旗幟。意謂并師至。駭而北走。齊賢先伏步卒。

綱鑑易知錄 卷六五 宋太宗 十四

二千於土。登。若。寨。掩擊。大敗之。斬首數百。獲馬二千。器械無算。

親耕藉田

綱丁亥四年夏四月張宏兔以趙昌言為樞密副使。綱戊子端拱元年春正月親耕藉田。卷二十一。赦。綱二月改補闕拾遺為司諫正言。目舊制臺諫有名而不

得行其職。帝以失建官本意故更耕以新名。綱李昉

罷。目布衣翟穎性險誕與知制誥胡旦狎旦為聲作

大言使穎上之且改穎名曰馬周以為唐馬周。見四卷

八復出也於是穎擊登聞鼓。見五三。訟昉居宰相位

馬周復出

李昉忠恕

當北方有事之時不為邊備徒知賦詩宴樂帝由是厭昉遂罷為右僕射昉和厚多恕在位小心醇謹每有求進用者雖知其材可取必正色絕之已而擢用或不足用必和顏溫語待之子弟問其故昉曰用賢人主之事若受其請是市私恩也故峻絕之使恩歸於上若不用者既失所望又無善辭取怨之道也。綱以趙普為太保兼侍中呂蒙正同平章事。廣書稱知

太宗之相蒙正。目帝欲相呂蒙正以其新進藉趙普舊

德為之表率會普以籍田入朝。時普鎮武勝。帝遂畱

太宗知人

綱蓋易知錄 卷六十五 宋太宗 十五

作祕閣

為太保兼侍中蒙正質厚寬簡有重望以正道自持
遇事敢言每論時政有未允者必固稱其不可帝嘉
其無隱故與普並命普開國元老蒙正以後進歷官
一紀進同相位普雅重之綱以王沔參知政事張宏
為樞密副使楊守一簽書樞密院事綱夏五月作祕
閣目詔就崇文院見上卷中堂建祕閣分三館見同
書籍置其中以吏部侍郎李至兼祕書監帝謂至曰
人君當淡然無欲勿使嗜好形見於外則奸佞無自
入朕無他好但喜讀書多見古今成敗善者從之不

趙保忠

善者改之如斯而已矣至每與李昉王化基觀書閣
下帝必遣使賜宴且命三館學士皆預焉綱以李繼
捧為定難節度使賜姓名趙保忠目李繼遷侵擾日
甚趙普復請命繼捧鎮夏州見上帝召見加賜而遣
之且謂曰若繼遷歸款也當授以官也

呂中曰保忠之再入夏臺故地趙普之謀也後
保忠與保吉合大為邊患何普能知符彥卿
之不可與以兵權而不能知符彥卿
保忠之不可復歸其州耶

綱鄭州今河南開封府鄭州團練使侯莫陳三字利用有罪賜
死目利用以幻術得幸驕恣不法居處服御僭擬乘

法可惜豎
子何足惜

與趙普按其十罪。既命配商州。見上卷普復力請誅之。帝曰：豈有萬乘之主不能庇祕一人乎？普曰：陛下不誅，則亂天下法。法可惜，此一豎汝子何足惜哉？帝不得已，命誅之。已而復遣使貸之，使至新安。見五十六卷馬旋濘。寧上聲。濘，泥淖也。而蹄，同。什及出濘，易馬至商州已磔。窄也。裂於市矣。聞者快之。綱：秋八月，鄧今河南南陽府鄧州王錢俶卒。日俶薨，輟朝七日，追封秦國王，謚忠懿。命使護喪葬洛陽，自鏐至俶。世有吳越，而俶任太師尚書令兼中書令者四十年，為天下兵馬大元帥者三

錢俶福履
之盛

十五年，既以地歸朝。見上卷四徙大國。俶雍熙中改封漢南國王。未幾，改南陽，俶固讓。國王之封，乃改封許王。是年二月，復封鄧王。善始令終，窮極富貴。福履祿之盛，近代無比。綱：九月，契丹復陷涿州。見上冬十一月，遂入祁州。見六十二卷綱：已丑二年春正月，契丹陷易州。見五十三卷遷其民于燕。見上目：時契丹屢寇邊，詔羣臣上備戎策。張洎言：中國禦戎，惟恃險阻。今自飛狐見同上以東，皆為契丹所有，既失地利，而河朔河北也。列壁皆具，城自固，莫可出戰。此又分兵之過也。請於沿邊建三大鎮，各統十

萬之衆鼎峙雉立也而守仍命親王出臨魏府即魏州今直隸

大名府以控空去聲其要則契丹雖有精兵豈敢越而

制敵之方盡於此

南侵制敵之方盡於此矣宋琪言兵凶器聖人不得

已而用之若選使通好耳止也戰息民此亦策之得

也李昉王禹偁亦多以脩好去聲為言帝嘉納之綱自

三月不雨至于夏五月綱詔錄繫囚遣使分諸路決

獄綱秋七月以張齊賢為樞密副使張遜簽書樞密

華星出東井

院事綱齊賢復入樞密趙普薦之也綱彗星見五卷

出東井見三三卷八月赦綱司天言妖星為滅契丹之

象趙普上疏謂此邪佞之言不足信帝避殿減膳大

作開寶寺塔

赦綱作開寶寺塔綱藏佛舍利見三三八卷也高三百六

十尺費億萬計踰八年始成知制誥田錫嘗上疏云

衆謂金碧煒煌臣以為塗膏鬻血帝亦不怒綱都巡

尹繼倫徐河之捷

檢使尹繼倫襲契丹耶律休哥于徐河大敗之綱朝

廷聞契丹復至遣李繼隆發鎮定俱見上卷兵萬餘護

送糧餽數千乘趨威虜休哥聞之帥精騎數萬邀諸

途北面都巡檢使尹繼倫適領兵徼察也伺巡路遇

之休哥不顧而南繼倫曰敵蔑視我耳彼捷還則乘

之休哥不顧而南繼倫曰敵蔑視我耳彼捷還則乘

尹繼倫將略

勝而驅我北去。不捷亦且洩怒於我。將無遺類矣。種也

為今日計。當卷上兵銜枚。所以止喧譁也。枚形似箸。於頸後則以躡之。彼銳氣前趨。不虞我之至力戰。不能言。

而勝足以自樹。縱死猶不失為忠義。豈可泯然為異地鬼乎。衆皆憤激。從命。繼倫令秣馬。以穀飼。俟夜。人持短兵潛躡其後。行數十里至徐河。在直隸保定府清苑縣境。

天未明。休哥去大軍四五里會食。訖將戰。繼隆方陣於前。以待繼倫。從後急擊。殺契丹一大將。衆皆驚潰。會休哥方食失箸。為短兵中其臂。創傷也。甚。乘善馬。

黑面大王

陳兢九世同居

先遁。餘衆引去。契丹為之奪氣。自是不敢大入寇。每相戒曰。當避黑面大王。以繼倫黑面故云。**綱**大旱。自秋徂冬不雨。田錫上言。此實陰陽失和。調燮和也。倒置。上侵下之職。而燭理未盡。下知上之失。而規過未能。疏入。帝及宰臣皆不悅。出錫知陳州。今河南開封府陳州。

綱庚寅。淳化元年。春正月。趙普罷。普以疾力求致仕。授太保兼中書令。

西京 **綱**夏四月。詔貸江州。今江西九江府。 **綱**義門陳兢。粟。 **綱**競。僕妾上下媼。因和也。睦人無閒言。每食必羣坐廣堂。

綱鑑易知錄

卷六十五

宋太宗

十九

義門犬

未成人者。別為一席。有大百餘。共一牢食。一犬不至。羣犬亦皆不食。唐僖宗及南唐時。旌其門。開寶宋太祖初。免徭役。至兢子姪益衆。常苦乏食。知州康戩號言於朝。詔本州每歲貸粟二千石。

忍公治家之良法

靜軒周氏曰。九世同居之事。一見於張公藝。再見於陳兢。嗣是而後。寥寥無聞。夫以公藝之同居。忍也。陳兢之同居。公也。忍則無嫌心。公則無私意。能忍而能公。則治家之良法備矣。其九世同居。復何難哉。故綱目書義門。所以美陳兢。書貸粟。所以美太宗也。其為世勸切矣。

綱冬十二月契丹封李繼遷為夏王。

綱辛卯二年春旱蝗。日時連歲旱蝗。是年尤甚。禱雩。

于。專。所。雨。祭。無應。帝手詔宰相曰。朕將自焚以答天譴。翌日大雨。蝗盡死。綱閏二月辛仲甫罷。綱夏四月。以張

齊賢。陳恕。參知政事。張遜。溫仲舒。寇準。為樞密副使。

目初準為樞密直學士。嘗奏事殿中。語不合。帝怒起。

準輒引帝衣。請復坐。事決乃退。帝嘉之。及旱蝗。帝召

近臣問以得失。衆以天數對。準曰。洪範見二卷天人

之際。應若影響。大旱之證。蓋刑有所不平也。帝怒起。

入禁中。頃之。復召準。問以不平狀。準曰。願名二府中

密。至。臣即言之。二府入。準乃曰。頃者祖吉王淮皆侮

寇準旱蝗之對

綱鑑易知錄 卷六十五 二十一

以寇準為
可大任

繪 趙聖代綵
唐末孟昭

圖

法受賕見四七。吉賊少。乃伏誅。准以參政。河之弟盜。主守財至千萬。止杖之。仍復其官。非不平。而何。帝以問。沔。沔頓首謝。於是切責沔。而以準為可大任。遂有是命。**綱**張宏罷。**綱**五月。以謝泌泌為左司諫。**目**上脩正殿。頗施綵繪。泌為右正言。因對陳其事。即日命代以禱。赤土。聖。惡。白土。賜泌金紫。見五十五。拜左司諫。泌入謝曰。陛下從諫如流。故臣得以盡誠。如唐末孟昭圖。見五十九者。朝上諫疏。暮不知所在。如此。安得不亂。帝動容久之。**綱**置諸路提刑官。**綱**六月。忠武節度治河南開

趙保吉

置審刑院

罷三相

封府使韓公潘美卒。**綱**秋七月。李繼遷請降。以為銀州。見十一觀察使。賜姓名趙保吉。且以其子德明為禁內蕃落使行軍司馬**綱**八月。置審刑院。**目**帝慮大理刑部吏舞文巧詆。乃置審刑院於禁中。以李昌齡知院事。置詳議官六員。凡獄上。奏先達院印。訖付大理刑部。斷覆以聞。乃下院詳議。申覆裁決。訖以付中書省行之。其未允者。宰相覆以聞。始命論決。**綱**九月。王沔陳怒呂蒙正罷。**目**呂蒙正為首相。以寬簡居位。政事多決於沔。沔聽察敏辯。有適時材。然性苛刻少誠。謁見者必啗。淡。餌也。

綱鑑易知錄 卷六十五 宋太宗 二十一

以甘言。既而進退非允。人胥怨之。又素與張齊賢陳恕不協。及二人參知政事。沔不自安。慮僚屬有以中書舊事告齊賢恕者。會司諫王禹偁言宰相樞密不得於本廳見客。許於都堂。延接以杜私請。沔喜。即奏行之。司諫謝泌以為如此是疑大臣以私也。疏駁之。帝追還前詔。沔遂罷。時帝怒戶部使樊知古所部不治。恕聞密以語之。覲記也。其脩舉知古訴於帝。帝怒。恕漏言。亦坐免。度支見四四卷九判官宋沆抗上聲伏閣。奏疏請立太子。詞意狂率。帝怒。貶沆。而沆乃蒙正妻

本沆風度端疑

族也。遂罷蒙正為吏部尚書。時三日之間連罷三相。因有奏毀者。帝語之曰。蒙正有大臣體。沔甚明敏。毀者慙而止。綱以李昉張齊賢同平章事。賈黃中李沆參知政事。綱初黃中再典貢部。多拔寒畯。後及掌吏部。選除擬精當。沆嘗侍宴。上目送之曰。風度端疑。真貴人也。至是並拜。綱王顯免。以張遜知樞密院事。溫仲舒寇準同知院事。知樞密院同知綱冬十月趙保忠叛降契丹。契丹封為西平今陝西行都王。綱女真見上請伐契丹。不許。自是不復入綱十一月以畢士

蘇易簡續
翰林志

飛白書王
堂之署

范杲玉堂
記

置常平倉
於京師

安為翰林學士。先是翰林學士承旨蘇易簡續翰
林志二卷以獻。帝嘉之。賜詩二章。又飛白。見四四書
卷二五玉堂之署四字。命榜於廳額。曰永為翰林美事。於是
知制誥范杲稿獻玉堂記。請備其職。帝惡其躁競。出
知濠州。今江南
鳳陽府乃以士安為學士。執政欲用諫議大
夫張洎。帝曰。洎文學資任。不下士安。第德行不及耳。
綱壬辰三年夏六月。置常平倉于京師。先是旱大
蝗。詔遣使決諸州獄。五月雨。蝗盡殪。死也。至是京畿
穀賤。帝遣使增價糴貯之。俟歲饑則減價糴。名曰常

趙普讀論
語二十篇

趙普三罪

平倉。遂為永制。綱秋七月。趙普卒。普卒年七十一。
帝聞之震悼。謂近臣曰。普能斷大事。盡忠國家。真社
稷臣也。普性深沉。有岸谷。少習吏事。寡學術。及為相。
太祖勸以讀書。遂手不釋卷。每歸私第。闔戶啟篋。
取書誦之。竟日。及次日臨政。處決如流。既卒。家人發
篋視之。則論語二十篇也。

靜軒周氏曰。普卒不具官。削之也。曷為削之。陳
橋之事。普實預謀。其罪一也。為政而有患。得患
失之心。其罪二也。秦王盧多遜之獄。普實
尸之。其罪三也。此所以特削其官以示貶。
綱名終南隱士。種充放。不至。廣古之隱士。被名不至
義者。其間必有所處。而

始終執守之堅也。今太宗治朝庶可以行君臣之義。而放也名猶不至。然則孔孟之汲汲者非與。今也放。既高其行矣。何於真宗之世。數朝京師。而又晚節之。不謹耶。杜鎬北山移文尚誰譏之。若放者。沾名之士也。

目放洛陽人。沉默好學。隱居終南。山名在陝西西安府城南以講習為業。從學者眾。資以養母。母亦能樂道。薄滋味。

種放母
種放裂佛
經製帳帷

放不喜浮圖。釋氏也嘗裂佛經以製帳帷。所著有蒙書。

放母成子
高

及嗣禹說。轉運使宋惟幹言其才行。詔使召之。其母志恨也。怒曰。常勸汝勿聚徒講學。身既隱矣。何用文。為果為人知。而不得安處。我將棄汝。深入窮山矣。放乃稱疾不起。其母盡取其筆硯焚之。與放轉居窮僻。

置審官院

人迹罕至。帝嘉其節。命有司時加存問。

綱癸巳四年春二月置審官院。**目**初帝慮中外官吏

清濁混淆。命官考課。號磨勘院。至是改為審官院。掌

審京朝官。其幕莫幕府之職州縣官。別置考課院。主之。

綱青神民王小波作亂。**目**初蜀亡。其府庫之積悉

輸汴京。後任事者競起功利於常賦外。更置博買務。

禁商賈不得私市布帛。蜀地狹民稠。耕稼不足以給。

由是小民貧困。兼并者益糴賤。販貴以規利。青神

王小波疾
貧富不均

川眉州青神縣民王小波。因聚眾為亂。且曰。吾疾貧富不均。

綱鑑易知錄 卷六十五 宋太宗 二四

剖腹實錢

今為汝均之。貧者爭附。遂攻青神。掠彭山。今眉州彭山縣。殺縣令齊元振。剖其腹實之以錢。惡其誅求無厭也。賊

黨由是愈熾。旁邑響應。綱三月。以何承矩為河北道

治直隸大名府。屯田制置使。發河北屯田則且耕且守。軍有餉而民安居矣。是亦奠安。上字之。長策也。故書。綱夏五月。以錢若水為翰林學士。目帝謂

太宗恨不得為學士

侍臣曰。學士之職親切貴重。非他官可比。朕常恨不得為之。又曰。士之學古入官。遭時得位。紆迂也。朱拖

紫。足以為榮矣。得不竭誠以報國乎。若水對曰。高尚

之士。不以名位為光寵。忠正之士。不以窮達易志操

其或以爵祿位遇之故。而效忠於上。中人以下者之

所為也。綱六月。張齊賢罷。以呂端參知政事。綱以向

敏中。張詠同知銀臺通進司。目二司舊隸樞密院。至

是始以敏中詠同知司事。隸目下。主視章奏案牘。以

稽出入。蓋給事中之職也。綱張遜寇準免。以柴禹錫

知樞密院事。劉昌言同知院事。目遜素與準不協。一

日準與溫仲舒並轡晚歸。有狂民迎馬首呼萬歲。街

使王賓與遜雅相厚。因奏民迎準拜呼萬歲。準自辨

云。實與仲舒同行。而遜令賓獨奏。臣因互發其私。帝

左右沮寇
準

惡之。乃左降遜為右領軍衛將軍。出準知青州。今山東青
州。準既罷。帝念之不置。語左右曰：寇準在青州樂乎？
左右揣帝意，且復名用。因對曰：陛下思準不少，忘開
準日縱酒，未知亦念陛下否？帝默然。**綱**秋九月，大水。
冬十月，河決澶州。今直隸大。名府開州。**綱**李昉、賈黃中、李沆、
溫仲舒罷。以水災故也。**綱**以呂蒙正同平章事。蘇易簡、趙
昌言參知政事。趙鎔、向敏中同知樞密院事。**綱**蒙正
嘗因召對論及征伐，帝曰：朕比年征討，蓋為民除暴，
苟好功黷武，則天下之人燿滅也。亡盡矣。蒙正對曰：

分天下郡
縣為十道

向敏中言

治國之要在內脩政事，則遠人來歸，自致安靜。帝然
之。易簡在翰林八年，帝待之若賓友。舊制欲授台輔，
必使天下矜餉，其名望而後正位。易簡以親老急於
進用，因亟器言時政得失，遂入政府。自是帝不復有
款接意，但正色責吏事而已。易簡悔之。時西北用兵，
樞機之任，專主謀議。敏中明辨有才略，遇事敏速。凡
二邊道路斥堠，見四十六卷走集之所，莫不周知。帝器之。
綱閏月，以陳恕為三司總計使。**綱**時復置三司使，而
罷鹽鐵、戶部度支三使。分天下郡縣為十道，曰河南

綱鑑易知錄

卷六五

宋太宗

二十六

左計右計

治開河東治山西關西治陝西劍南治四川淮南治江
 南揚州府江南東西東治蘇州府浙東西東治紹興府廣
 南治廣州府以京東東京為左計西西京洛陽為右計。恕為總
 計使。魏羽為左計使。董儼為右計使。中分十道以隸
 焉。而各道則署判官以領其事。凡涉計度鐸者三使
 通議之。恕言官司各建政令互出難以經久。帝不聽。
 綱十二月王小波死其黨李順陷蜀邛窮州今四川邛州
 永康軍。

綱甲午五年春正月李順陷成都以宦者王繼恩為

置起居院

起居注進
御始此

兩川見上卷

招安使討之。

綱趙保吉寇靈州。

見四九卷十二

以李繼隆為河西

見同上

都部署討之。

綱三月李繼隆

入夏州

見上

執趙保忠赴京師。

綱夏四月削趙保吉

姓名墮

擲也

夏州城。

綱置起居院。右諫議大夫張

必爾請置起居院。脩左右史之職為起居注。與時政

記見五五卷二逐月終送史館以備脩日曆。

見上卷三四

上嘉之。乃置院於禁中。命梁周翰等掌其事。周翰請
 以所撰先進御。後付史館從之。起居注進御始此。
 綱五月王繼恩復成都獲李順誅之。其黨張餘復陷嘉

戎諸州。綱。秋八月。以王繼恩為宣政使。中書以繼恩討蜀寇功。欲除宣徽使。帝曰。朕讀前代史。不欲令宦官預政。宣徽使執政之漸也。止可授以他官。宰相力言。繼恩有大功。非此不足以賞。帝怒。深責之。乃命學士張洎。錢若水。議別立宣政使。以授之。綱。以張詠知益州。即成都府。王繼恩。上官正。宿秀。翰等。總兵討賊。漸有成功。頓師不進。專務飲博。其下恣橫剽掠。餘寇勢復張大。詠至。勉正等親行。臨發。舉酒屬軍校曰。爾曹蒙國家厚恩。此行當平蕩醜類。若老師曠日。即

別立宣政使
張詠知益州

此地還旋為爾死所矣。正由是決行深入。大致克捷。時寇掠之際。民多脇從。詠諭以恩信。使各歸田里。且曰。前日李順脅民為賊。今日吾化賊為民。不亦可乎。其為政。恩威並用。蜀民畏而愛之。先是城中屯兵尚三萬人。無半月之食。詠知民間舊苦鹽貴。而廩有餘積。乃下其估。聽民以米易鹽。未踰月。得米數十萬斛。詠度有二歲備。乃奏罷陝西糧運。帝聞之。喜曰。此人何事不能了。吾無憂矣。綱。九月。以襄王元侃為開封尹。進封壽王。帝在位久。儲貳未定。馮拯

此人何事不能了

等上疏言之。帝怒，斥之嶺南。治廣東廣州府中外無敢復言

者。寇準自青州見上召還入見。帝曰：朕諸子孰可以

付神器。見二十七卷者。準曰：陛下為天下擇君，謀及婦人

中官不可也。唯陛下擇所以副天下望者。帝俯首久

之。屏丙左右曰：襄王可乎。準曰：知子莫若父。聖意既

以為可，願即決定。遂以元侃為開封尹，進封壽王。元

侃，帝第三子也。

法 一言萬世

呂中曰：東漢李唐所以有女主宦官外戚之禍者，以立天子之權盡出其手。雖李固杜喬裴度鄭覃之徒不能正之。準之一言，真萬世法也。

綱以寇準參知政事。綱冬十二月，以陳恕為鹽鐵使

目總計使，果不便。見上乃罷之。復以三司兩京十道

歸三部，各置使以恕為鹽鐵使。恕有心計。見十四卷釐

治也。去宿弊。帝深器之。親題殿柱曰：真鹽鐵陳恕。恕每

便殿奏事，帝或未察，至形誚讓。恕蹙退，至殿壁俟

帝意稍解，復進。愨執前論，終不易。帝亦多從之。

綱乙未，至道元年春正月，帝觀燈于乾元樓。目帝以

上元御乾元門樓觀燈賜宴。見京師繁盛，諭近臣曰：

五代之際，生靈凋喪，當時謂無復太平之日矣。朕躬

真鹽鐵陳恕

觀燈乾元樓

諫 呂蒙正規

覽庶政。萬事粗理。每念上天之貺。賜也。致此繁盛。乃知理亂在入。呂蒙正避席曰。乘輿所在。士庶走集。故繁盛如此。臣嘗見都城外。不數里。飢寒而死者甚衆。願陛下親近以及遠。蒼生之幸也。帝變色不言。蒙正侃然復位。同列咸多其伉。抗直。綱劉昌言免。以錢若水同知樞密院事。綱二月四川都監宿翰獲張餘于嘉州。今四川嘉定州。蜀盜平。綱夏四月。呂蒙正柴禹錫蘇易簡罷。漢武帝憚汲長孺之直而出守淮陽。宋太宗憚呂蒙正之直而出判河南。人君苟以妒賢嫉能為心。則凡縱欲傷音。汲長孺名黯。見綱。帝嘗欲民之事將靡所不至矣。註十四卷十二。

遣入使朔方。即夏州。見上二七。諭中書選可責以事者。蒙正

以名上。帝不許。他日三問。三以其人對。帝怒曰。卿何執邪。蒙正對曰。臣非執。臣不欲用媚道妄隨人主意。以害國事。因稱其人可使。餘人不及。同列竦息不敢動。帝退謂左右曰。蒙正氣量我不如。旣而卒用其人。果稱職。至是罷相。判河南。綱以呂端同平章事。張洎參知政事。趙鎔知樞密院事。且初帝欲相端。或曰。端為人糊塗。帝曰。端小事糊塗。大事不糊塗。決意用之。端持重識大體。時同列奏對多異議。惟端罕所建

呂端大事不糊塗

張洎江東士人之冠

宋后崩不成服

明。一旦內札戒諭。自今中書事必經呂端參酌。乃得聞奏。端愈謙讓不敢當。洎博涉經史善持論。為翰林學士。帝嘗謂近臣曰。張洎富有文藝。至今尚苦學。江東士人之冠也。甚見寵遇。洎初為寇準官屬。甚恭謹。每為準規畫。準心伏。以兄事之。極薦其才。遂與準同列。奉之愈謹。政事一決於準。無所參預。惟專脩時政。記甘言善柔而已。綱開寶皇后宋氏崩。貶翰林學士王禹偁知滁州。目后疾甚。遷於故燕國長公主第。崩。權殯普濟佛舍。謚曰孝章皇后。羣臣不成服。禹偁

對客言后嘗母儀天下。當遵舊禮。帝不悅。坐謗訕責。

知滁州今江南州。禹偁立朝敢言。以直躬行道為已。

任。不為流俗所容。故屢見斥。綱六月。以李繼遷為鄜

州今陝西延節度使。繼遷不奉詔。綱秋八月。立元

侃為皇太子。更名恆。大赦。目太子既立。廟見。現還宮。

京師民擁道喜躍曰。少年天子也。帝聞之不憚。名寇

準。謂曰。人心遽屬太子。欲置我何地。準再拜賀曰。此

社稷之福也。帝悟。入語去聲后。嬪宮中皆前慶。帝喜。復

出。延準飲。極醉而罷。以李至李沆並兼太子賓客。詔

少年天子
欲置我何
地

太子拜至

太子以師傅禮事之。太子每見至沆，必先拜。至沆不敢當，上表辭謝，帝不許。

官太祖孫
惟吉

綱丙申二年春二月，以李昌齡參知政事。綱以太祖

孫惟吉為閩州觀察使。目惟吉，魏王德昭長子也。

太祖崩時，惟吉纔六歲，帝即位，猶在禁中，日侍中食。

太平興國八年，始出居東宮，未幾授左驍衛大將軍。

至是授閩州觀察使。凡邸第，供億。

二車服，賜與皆與諸王埒等也。

靜軒周氏曰：太宗之官惟吉，或者皆以存厚為言，臣獨以為不然。蓋太宗所得者，太祖之天下。

綱目誅太宗之心

所襲者，太祖之鴻基。太宗當思太祖之心，以報太祖斯無歉焉。彼德昭德芳皆太祖之子，既而天亡無可推立，幸而德昭之長子惟吉尚在，則當用為儲嗣，不食前盟可也。夫何隱而不發，必待既立已子，然後舉而官之，嗚呼！然其以為觀察使者，固非本心，特欲錯天下之舌，意以我之不負太祖云爾。殊不知人之視已，如見其肺肝，然則何益矣。故綱目特舉太祖孫惟吉書之，所以誅太宗之心，深譏之也。

綱夏四月，遣李繼隆等分道討李繼遷。綱秋七月，寇

準免。發準剛直有餘，而行事未必皆出於公論，宜乎

可免例書者，其亦徇名責實之意耳。目是歲郊祀，中外官

皆進秩，準素所喜者，多得臺省清要官，所惡及不相

綱

知者即序進之廣州見上二八嶺南通判馮拯上疏極陳準

擅權且條上除拜不平數事帝不憚張洎揣知帝嫉

準懼一旦同罷乃奏準誹謗帝益不悅會廣東轉運

使康戩上言呂端張洎李昌齡皆準所引故準得以

任胸臆亂經制帝怒召端等責之端對曰準性剛白

任臣等不欲數爭諍慮傷國體因再拜請罪及準入

對帝語及拯事準力爭不已又持中書簿論曲直於

帝前帝因歎曰鼠雀尚知人意况人乎遂罷知鄧州

鼠雀尚知人意

見上十六綱八月李繼隆副將范廷召遇李繼遷于烏白

池擊敗之繼隆不見虜而還綱九月秦晉諸州地震

綱大有年

綱丁酉三年春正月張洎罷以病罷綱以溫仲舒王

化基參知政事李惟清同知樞密院事綱葬孝章皇

后發自至道元年書開寶皇后崩至是除三年而始

著其失持書以綱分天下州軍為十五路目京東京西河北

河東陝西淮南江南荆湖南北兩浙福建川陝廣南

東西凡十五路各置轉運使綱三月帝崩太子恆即

位廣端之處繼恩若獵猛獸而置諸窮天下大事不

太宗無兄之心益著十五路

綱鑑易知錄

卷六十五

宋太宗

三十一

呂端給鎖
王繼恩

呂端詣捲
簾升殿審
視

也。塗者。帝不豫。宣政使王繼恩忌太子英明。陰與參知政事李昌齡。知制誥胡旦等謀立楚王元佐。帝崩。皇后命繼恩召呂端。端知有變。即給臺上聲。繼恩入書閣鎖閉之。亟入宮。后問曰。宮車已晏。駕見上。立嗣以長。順也。今將何如。端曰。先帝立太子。正為今日。豈容更有異議。后默然。乃奉太子至福寧殿。即位。垂簾引見羣臣。端平立殿下。不拜。請捲簾升殿審視。然後降階率羣臣拜焉。

史臣曰。太宗沉謀英斷。儉勤自厲。閱農事。考治功。慎刑獄。納諫爭。遇災知懼。有過知悔。故能削

平海內。功業炳然。若夫太祖之崩。不踰年而改元。涪陵武功之不得其死。宋后之不成喪。後世不能無首涪陵。見上九武。議焉。註。功見上卷四五。

綱夏四月。尊皇后為皇太后。赦以李至李沆參知

政事。綱五月。李昌齡有罪。貶忠武。見上。行軍司馬。目

討謀立楚王之罪。貶昌齡為司馬。降王繼恩為右監

門衛將軍。均州。見上。安置。胡旦除名。長流尋州。今廣

州。綱立郭氏為皇后。后宣徽南院。綱六月。追復涪王

見上。廷美為秦王。見上。復封兄元佐為楚王。見上。明

廷美之不得其死。元佐之無故廢棄。皆公議之不容也。帝即位之初。首行此舉。是亦天理人心之不可泯。

錢水請

沒焉。取大書特書深予之也。

綱錢若水請罷許之

廢書請罷嘉

目

且若水薦王

初太宗以劉昌言罷問左右曰昌言涕泣否及呂蒙正罷又曰望復位目穿矣若水因歎曰上待輔臣如此蓋無秉節高邁全進退之道以感動之者耳即欲移疾移文稱疾會西邊用兵不敢言至是以母老請解樞務章再上乃罷為集賢院學士若水入謝便殿帝問近臣可大用者若水以中書舍人王旦對帝曰此固朕所屬祝也綱秋八月趙鎔李惟清罷以曹彬為樞密使向敏中夏侯嶠輔為副使綱冬十月葬永熙陵

在河南府鞏縣綱十二月追尊太宗賢妃李氏為皇太后母也綱李繼遷請降以為定難見上節度使復姓名趙保吉

尺木堂綱鑑易知錄卷六五

綱鑑易知錄

卷六五

宋太宗

三五

尺木堂綱鑑易知錄卷六六

周之炯靜專

綱目續編定本

山陰吳乘權楚材同輯

周之燦星若

宋紀

真宗皇帝

初名元侃更名恆太宗第三子初封襄王進封壽王尋立為太子太宗崩嗣立

二十五年壽五十五歲而崩。帝寬仁慈愛有帝王之量然好奉道教信惑邪說天書封祀制作紛紛矣景德初契丹大舉入寇向微寇準勸帝親征講和澶淵幾於亡國矣

綱 戊戌真宗皇帝咸平元年春正月彗星見詔求直

言星變求直

言曰彗見五卷出營室北方北呂端言應在齊魯分

帝曰朕以天下為憂豈直一方邪詔求直言避殿減

膳時田錫自知集賢院出知秦州今江南揚州府秦州上疏言

李繼遷不合與夏州見上卷又不合呼之為趙保吉

乃時政并誤之大者又言樞密公事宰相不得預聞

中書政事樞密不得預議以致兵謀未精國計未善

帝嘉納之綱夏四月遣使按諸路逋布平負悉除之

除天下逋欠一千餘萬釋繫獄者三千餘人用三

司判官王欽若之言也

除逋負 釋繫獄

王李知二子之姦

特令梓人為納陛

呂中曰漢唐之小人易知宋朝之小人難見熙寧以後之小人易知熙寧以前之小人難識蓋自古小人之所以誤國者聚斂也嚴刑也用兵也而宋之目為小人者自欽若丁謂始然欽若請蠲負釋繫囚謂請罷兵撫蠻寇與君子之處事何異惜其一入政府患得患失之心生而改節易行矣故當時知二子之姦者王旦李沆而已

綱冬十月呂端李至溫仲舒夏侯嶠罷綱端器量寬

恕知大體帝深重之每見其入對肅然拱揖不以名

呼又以端姿儀瓌規也大宮庭陛峻特令梓人為納

陛見二十九卷至是以疾罷綱以張齊賢李沆同平章

事向敏中參知政事楊礪宋湜殖為樞密副使綱齊

賢慷慨有大略。每以致君自負。嘗為帝言皇王之道。帝曰。皇王之道。非有跡。但庶事無撓。則近之矣。帝嘗問沆治道所宜先。沆對曰。不用浮薄新進喜事之人。此最為先。帝問其人。沆曰。如梅詢。曾致堯輩。是矣。帝又語及唐人樹黨。遂使王室微弱。蓋姦邪難辨耳。沆曰。佞言似忠。姦言似信。如盧杞蒙蔽德宗。李泌以為真姦邪。見五五卷一是也。帝曰。姦邪之迹。雖曰難辨。久之自敗。一夕。內出手詔。欲以劉美人為貴妃。沆對使者。引燭焚之。附奏曰。但道臣沆以為不可。其議遂寢。帝

李沆引燭焚詔

嘗謂沆曰。人皆有密啓。卿獨無。何也。對曰。臣待罪宰相。公事則公言之。何用密啓。夫人臣有密啓者。非讒。即佞。臣常惡之。豈可效尤。

綱己亥。二年春。閏三月。旱。求直言。**目**轉運副使朱台符上言。略曰。陛下踐祚以來。彗星一見。時雨再愆。彗星見者。兵之象也。時雨愆者。澤未流也。宜重農以積粟。簡卒以省費。專將帥之任。以安邊。慎守令之選。以惠民。舍此數事。雖有智者。不能為計矣。**綱**夏六月。樞密使兼侍中。魯公曹彬卒。**目**彬疾。帝臨問。因詢以契

曹彬舉一子

曹彬為宋良將第一

丹事宜。彬對曰：太祖英武定天下，猶經營和好。帝曰：此事朕當屈節為天下蒼生，然須執綱紀存大體。即久遠之利也。又問以後事，對曰：臣無事可言。臣子璨、瑋、材器皆堪為將。帝問其優劣，對曰：璨不如瑋。及卒，帝哭之慟，贈中書令，追封濟陽。見四十一卷。王諡武惠。彬在朝廷，未嘗忤旨，亦未嘗言人過失。位兼將相，不以等威自異。遇士夫於途，必引車避之，不名下吏。每白事，必冠而後見。居官俸入，給宗族無餘積。君子謂彬仁恕清慎，能保功名，守法度為宋良將第一。綱秋。

翰林侍讀侍講學士

康保裔死節

七月，以王顯為樞密使。綱以呂文仲等為翰林侍讀學士。邢昺為侍講學士。目初置翰林侍讀侍講學士，設直廬於祕閣，以楊徽之、夏侯嶠及文仲為侍讀學士。昺為侍講學士。更耕直名對詢訪，或至中夕，尋詔昺與杜鎬、舒雅、孫奭等校定周禮儀禮。公羊穀、梁春秋傳、孝經、論語、爾雅、義疏。綱冬十月，契丹隆緒入寇，都部署康保裔與戰于瀛州。今直隸河間府。死之。十二月，帝自將禦契丹，次于大名。見六四卷四七。綱庚子三年春正月，契丹引還，范廷召追敗之。帝

真宗識王且

張齊賢以酒失坐免

至自大名。綱二月。王顯罷。以周瑩。王繼英。知樞密院事。王且同知院事。目初且為翰林學士。嘗奏事退。帝目送之曰。為朕致太平者必此人也。綱夏四月。太子太保呂端卒。諡正惠綱冬十一月。張齊賢免。目齊賢與李沆不相得。日南至冬至也朝會齊賢被酒失儀。遂坐免。

綱辛丑四年春二月。詔羣臣子弟補京官者試一經。綱三月。以呂蒙正向敏中同平章事。王化基罷。以王且參知政事。馮拯。陳堯叟。同知樞密院事。綱夏四

頌九經于州縣學校

月。以王欽若參知政事。頌九經于州縣學校。綱秋

八月。以張齊賢為涇原今陝西平涼府諸路經略使。目帝以

趙保吉雖入貢。而鈔劫益甚。乃遣齊賢行邊。齊賢言

靈武即靈州見上卷二七孤城必難固守。徒使軍民六七萬陷

於危亡之地。通判永興軍治陝西西安府何亮復上安邊書

言靈武地方千里。表裏山河。決不可舍之。以資戎狄

帝不能決。詔羣臣議棄守之宜。楊億言棄之便。輔臣

咸以靈州乃必爭之地。苟失之。則緣邊諸郡皆不可

保。帝惑之。李沆曰。保吉未死。靈州非朝廷有也。莫若

遣使密召州將使部分軍民空壘而歸如此則關右之民息肩矣帝不從以王超為西面行營都部署將步騎六萬援靈州齊賢又請募江南丁壯以益戍兵帝曰此不惟人心動搖抑使南方之人遠戍西鄙甚不便也寢其奏

真宗得守邊之策

富弼曰戍守之兵自古以客軍為非便蓋不請邊事之艱苦不識山川之險易守則不固戰則多敗其數雖多未若土兵少而精也

綱 九月趙保吉反陷清遠軍

綱 壬寅五年春三月趙保吉陷靈州知州事裴濟死

裴濟刺指血染奏

之。目濟知靈州謀輯八鎮興屯田之科民甚賴之保吉大集蕃部來攻濟被圍餉絕刺威指血染奏求救兵不至城遂陷濟死焉保吉以州為西平府居之帝得報悔不用李沆之言詔王超屯永興軍綱夏六月周瑩罷綱秋九月名种放為左司諫直昭文館發种行純至簡朴退靜可厲風俗下詔名之放乃詣京師對於崇政殿賜坐詢以民政邊事放對曰明王之治愛民而已惟徐而化之餘皆謙讓不對即日授左司

隱士耳曷為不書隱士而直書名种放若已出仕然者何譏之也

諫直昭文館。放固讓。不許。賜予甚厚。時名對焉。明年請暫還山。許之。遷起居舍人。放既還後數朝京師。東封西祀。無不預。祿賜既豐。頗飾輿服。置田長安。名縣京兆。強市爭訟。時議薄之。王嗣宗守京兆。即西安府。見上卷二治也。南。因條上其不法事。極其醜詆。會赦而止。杜鎬嘗因宴餞賦詩。誦北山移文。南北朝齊周彥倫隱於北山。後應聘出為海鹽令。秩滿入京。復經此山。孔稚圭假山以譏之。放不之愧。冬十月。向敏中免。靈之意移之名曰北山移文。綱癸卯六年夏四月。復以張詠知益州。帝以詠前

杜鎬誦北山移文

在蜀。初詠知益州。後徙永興軍。治政優異。復自永興。見上徒知益州。見上卷民聞詠再至。皆鼓舞相慶。詠威惠並行。政績益著。下詔褒美。且令巡撫使傳諭詠曰。得卿在蜀。朕無西顧之憂矣。綱六月。以寇準為三司使。陳恕罷。目恕久領三司。見上卷帝初即位。嘗命條具中外錢穀。恕久不進。屢詔趣之。恕對曰。陛下富於春秋。若知府庫充實。恐生侈心。是以不敢進也。帝嘉之。至是以疾固求館殿之職。帝曰。卿求一人可代者。聽卿去。恕薦準焉。準至三司。檢尋恕前後改創之事。類為冊。

得卿無西顧之憂

陳恕不進錢穀數

陳恕薦寇準

田錫焚疏

及其所出榜。別用新板。躬至恕第。請判押。恕亦不讓。一一押之。自是計使見同上無不循其舊貫。事也恕精於吏理。深刻少恩。人不敢干以私。掌利柄十餘年。強力幹事。胥吏畏服。綱秋九月。呂蒙正罷。綱冬十二月。右諫議大夫田錫卒。目錫居諫署。直言時政得失。每指斥將相備位。無所籌謀。封疏凡五十二奏。悉焚之。曰：直諫。臣職也。豈可藏副。示後以賣直邪。及卒。帝謂李沆曰：田錫。直臣也。朝廷少有闕失。方在思慮。錫之章疏已至矣。嗟惜久之。綱趙保吉陷西涼。今陝西行都司涼州衛

曹瑋請乘時滅夏

殺丁惟清。知西涼府潘羅支。六谷酋長。時為朔方節度使會蕃部擊敗之。保吉走死。子德明嗣。目環。環州。今陝西慶陽府環縣慶。慶州。即慶陽府邊臣以德明初立。乞降詔撫之。帝乃詔德明令審圖去就。知鎮戎軍曹瑋上言：保吉擅河南地。見十三卷二十六二十年。兵不解甲。使中國有西顧之憂。今其國危。子弱不即捕滅。後更強盛。不可制矣。願假臣精兵。出其不意。擒德明。送闕下。復河南為郡縣。此其時也。帝欲以恩致德明。不報。

綱甲辰。景德元年春正月。京師地震。綱三月。皇太后

李氏崩諡曰明德。綱秋七月尚書右僕射夜同平章事李

沆卒。目時西北用兵帝便殿延訪或至晚也。日食。

王旦歎曰我輩安得坐見太平優游無事邪。沆曰強

敵外患足為警戒他日四方寧謐密朝廷未必無事。

沆又日取四方水旱盜賊奏之旦以為細事不足煩

帝聽。沆曰人主少年當使知四方艱難不然血氣方

剛不留意聲色犬馬則土木甲兵禱祠之事作矣吾

老不及見此參政他日之憂也。丁謂與寇準善準屢

薦其才於沆。沆不用。準問之。沆曰顧其為人可使之

李沆日奏水旱盜賊

謂李沆識

他日當思吾言

李沆讀論語

在人上乎。準曰如謂者相公終能抑之使在人下乎。

沆笑曰他日當思吾言。沆嘗言居重位無補惟中外

所陳利害一切砌報罷之少以報國爾。朝廷防制纖

悉備具或徇所陳請行一事即所傷多矣。陸象先所

謂庸人擾之見四八卷十七是已。沆常讀論語或問之。沆曰

沆為宰相如節用而愛人使民以時尚未能行。聖人

之言終身誦之可也。沆性直諒內行脩謹居位慎密

不求聲譽遵法度識大體人莫能干以私。公退終日

危坐未嘗跛祕倚。偏任為跛依物為倚。治第封丘門

偏任一足反立也。

廳事前僅容旋馬
居第當傳子孫

畢士安薦寇準

汴京城內廳事也。前僅容旋馬。或言其太隘。沈笑曰。居第當傳子孫。此為宰相廳事。誠隘。為太祝奉禮廳事。則已寬矣。及卒。帝驚慟。謂左右曰。沈忠良純厚。始終如一。豈意不享遐壽邪。贈太尉中書令。謚文靖。綱以畢士安參知政事。綱八月以畢士安寇準同平章事。王繼英為樞密使。馮拯陳堯叟簽書樞密院事。目初士安既拜參知政事。入謝。帝曰。未也。行且相。卿因問誰可與卿同進者。對曰。寇準兼資忠義。善斷大事。臣所不如。帝曰。聞其好剛使氣。對曰。準忘身徇

國秉道疾邪。故不為流俗所喜。今天下之民。雖蒙休德。涵養安佚。而北戎跳梁。猶言強梁。見二為邊境患。若準者。正宜用也。帝曰。然當藉卿宿德鎮之。準既相。守正疾惡。小人日思所以傾之。士安每為申辨。帝始不疑。綱閏九月。契丹隆緒大舉入寇。契丹主耶律隆緒同其母蕭氏大舉。綱冬十月。契丹來議和。遣閤門祇候曹利用報之。綱置龍圖閣。目奉太宗御製文集及典籍圖畫寶瑞之物。與宗正所進屬籍。并置待制學士官。自是每一帝崩。則置一閣。綱十一月。契丹進寇澶州。帝自

置龍圖閣

將禦之。契丹陷德清軍。治直隸大名府清豐縣逼冀州。今直隸

定府遂抵澶州。今大名府開州邊書告急。一夕五至。寇準

不發。飲笑自如。帝聞之大駭。以問準。對曰。陛下欲了

此。不過五日耳。因請帝幸澶州。同列懼欲退。準止之。

令候駕起。帝難之。欲還內。準曰。陛下入。則臣不得見

大事去矣。請無還。畢。士安力勸帝如準所請。帝乃議

親征。召羣臣問方略。時以虜寇深入。中外震駭。王欽

若臨江。今湖廣州府人也。請幸金陵。今江南江寧府陳堯叟。閩

州。今四川保寧府人也。請幸成都。今四川成都府帝以問準。準心知

二人謀乃陽若不知者。曰。誰為陛下畫此策。罪可斬

也。陛下神武。將臣協和。若大駕親征。敵當自遁。不然

出奇以撓其謀。堅守以老其師。勞佚之勢。我得勝算

矣。奈何棄廟社。欲幸楚蜀。謂金陵成都也所在人心崩潰

會敵乘勝深入。天下可復保邪。帝意乃決。時欲擇大

臣鎮大名。天雄軍治準薦欽若。遂詔判天雄軍。蓋準以欽

若多智。恐妄有所疑沮。故出之。綱李繼隆軍射石殺

契丹將蕭撻覽。契丹圍澶州。李繼隆整軍禦之。會

有自虜中回者。言撻覽謀以遲明。猶黎明也襲寨。繼隆伏

寇準出王
欽若鎮天
雄

寇準飲笑
自如
幸澶州
幸澶州

兵分據要害。見五頃之控弦。見十暴至。撻覽躬

出陣前督戰。繼隆將張環守牀子營。弩械機發射殺

之。撻覽有機勇。所領皆銳兵。既死虜大挫。肉傷。

也綱以王旦為東京留守。綱十二月帝渡河。次澶

州。契丹請盟而退。帝在道。又有以金陵之謀告者。

帝意稍惑。召準問之。準曰。陛下惟可進。不可退寸。

河北。見上卷諸軍日夜望變。與至。士氣百倍。若回輦

見五二數步。則萬眾瓦解。虜乘其後。金陵亦不可得

至也。殿前都指揮使高瓊曰。寇準言是。準又曰。機不

惟可進尺
不可退寸

可失。宜趣促駕。帝乃晨發。至澶州南城。望見契丹軍

勢甚盛。眾請駐蹕。蹕見十寇準固請曰。陛下不過河

則人心益危。敵氣未懾。拙非所以取威決勝也。且王

超領勁兵屯中山。今直隸真定府定州以扼其吭。綱也李繼隆

石保吉分大陣以扼其左右。肘四方。征鎮赴援者日

至。何疑而不進。高瓊亦固以請。即麾衛士進。輦帝遂

渡河。御北城門樓。遠近望見御蓋。踴躍呼萬歲。聲聞

數十里。契丹相視益怖駭。帝悉以軍事付準。準承制

專決。號令明肅。士卒畏悅。已而契丹數千騎來薄。

寇準與楊
億飲博歡
呼

寇準畫策
以進

也。通城下。詔士卒迎擊。斬獲大半。乃引去。帝還行宮。留
準居北城上。徐使人視準何為。準方與知制誥楊億
飲博。歌謔歡呼。帝喜曰。準如是。吾復何憂。契丹遣其
臣韓杞持書與曹利用俱來。請盟。利用言。契丹欲得
關南地。帝曰。所言歸地。事極無名。若必邀求。朕當決
戰。若欲金帛。朝廷之體。固亦無傷。準不欲賂以貨財。
且欲邀其稱臣及獻幽薊見六一卷三之地。因畫策以進。
曰。如此。則可保百年無事。不然。數十年後。戎且生心
矣。帝曰。數十年後。當有扞禦之者。吾不忍生靈重困。

姑聽其和可也。準尚未許。會有譖準幸兵以自取重
者。準不得已。乃許其成。復遣曹利用如契丹軍。議歲
幣。帝曰。必不得已。雖百萬亦可。準聞之。召利用至。帷
謂曰。雖有敕旨。汝所許過三十萬。吾斬汝矣。利用至
契丹軍。竟以銀十萬兩。絹二十萬匹。成約而還。契丹
遣其閭蛤門使丁振持誓書來。以兄禮事帝。引兵北
歸。

陳瓘曰。當時若無寇準。天下分為南北矣。向使
其言盡用。不惟無慶曆之悔。亦無靖康之禍矣。
音慶曆仁宗年號。靖康欽宗年號。

謝寇同一
矯情鎮物

晉宋一轍

雲間張氏曰謝安以奕基而敗苻堅投鞭斷流
之衆寇準以飲博而喪契丹傾國入寇之師同
一矯情鎮物也厥功偉矣夫何晉宋之君一以
偷安江左為念一以畏憚戎狄為心不能長慮
却顧而狂於目前之見所謂見小利則大事不
成是也使能乘勝於風聲鶴唳之餘決戰於士
卒歡呼之頃立定厥功以克求世豈致篡竊相
仍而子姓被俘哉嗚呼晉之武帝宋之真宗其
失一也註音謝安見三三卷

綱帝至自澶州

綱乙巳二年春正月大赦。目以契丹講和。大赦天下。
放河北諸州強壯歸農。罷諸路行營。省河北戍兵十
之五。緣邊三之二。詔緣邊毋出境掠奪。得契丹馬牛

增置制舉
六科

悉縱還之。通互市。葺城池。招流亡。廣儲蓄。由是河北
民得安業。皆畢士安之謀也。綱夏四月。王欽若罷。以
馮拯參知政事。目欽若與寇準不協。累表願解政事。
特置資政殿學士授之。綱秋七月。增置制舉六科。目
賢良方正等三科。久不行。至是增置為六科。曰賢良
方正。能直言極諫。博通墳三墳三典五典五。達於教
化。才識兼茂。明於體用。詳明吏理。可使從政。識洞韜
韜六韜文韜武韜龍韜虎韜各三略上中下三。運籌決勝。
見韜豹韜犬韜太公兵法略卷黃石公兵法。軍謀宏遠。材任邊寄。凡六科。詔中書門下試察

其才具名聞奏臨軒親策之。綱歸幣于契丹。目自是歲以為常。綱八月以向敏中知延州。目先是趙德明見上以父有遺命遣使乞歸順詔以敏中為緣邊安撫使受其降。至是以德明誓約未定徙敏中為都部署兼知延州。今陝西延安府委以經略。綱冬十月吏部侍郎同平章事畢士安卒。目帝謂輔臣曰士安飭躬畏謹有古人之風。遽此淪沒深可悼惜。王旦等對曰士安官至輔相而四方無田園居第沒未終喪家用已屈真不負陛下之所知矣。帝感歎賜其家白金五千兩。

畢士安有古人之風

諡文簡。綱十一月契丹遣使來聘。自是往來不絕綱丙午三年春二月罷寇準知陝州。目準為相用人不以次同列頗不悅。他日除官同列目吏持例簿以進準曰宰相所以進賢退不肖若用例一吏職耳。自澶淵即澶州還頗矜其功。帝待準甚厚。王欽若深嫉之。一日會朝準先退。帝目送之。欽若因進曰陛下敬準為其有社稷功邪。帝曰然。欽若曰澶淵之役陛下不以為恥而謂準有社稷功何也。帝愕然曰何故。欽若曰城下之盟春秋恥之。澶淵之舉以萬乘之貴而為

用例一吏職寇準頗矜其功

春秋恥城下之盟

陛下寇準之孤注

霍光傳不可不讀此張公謂

城下之盟何恥如之帝愀然不悅欽若曰陛下知博乎博者輸錢欲盡乃罄所有出之謂之孤注陛下寇準之孤注也斯亦危矣由是帝顧準寢衰竟罷為刑部尚書出知陝州今河南河南南府陝州初張詠在成都即益州上聞準入相謂僚屬曰寇公奇材惜學術不足耳及準知陝詠適自成都還準送之郊問曰何以教準詠徐曰霍光傳在班固西漢書中不可不讀也準莫諭其意歸取其傳讀之至不學無術又見十五卷笑曰此張公謂我也未幾移準知天雄軍治直隸大名府契丹使過大名

北門鎖鑰

契丹中京

增孔子守瑩戶
丁謂上景德會計錄

謂準曰相公望重何故不在中書準曰主上以朝廷無事北門鎖鑰非準不可耳綱以王旦同平章事趙安仁參知政事以王欽若陳堯叟知樞密院事韓崇訓馬知節簽書院事置諸州常平倉綱冬十月趙德明請降詔以為定難見上卷末節度使封西平王綱丁未四年春正月契丹城遼西今直隸永平府為中京契丹建都遼西置宮掖樓閣府庫城市實以漢戶號中京綱夏四月皇后郭氏崩諡穆綱五月增孔子守瑩戶凡二千戶綱秋八月權三司使丁謂上景德會計錄發丁謂之上會計錄似平盡職而得君殊不

天書見承
天門

知君心之驕實基於此故下書天書見自是以後東
封西祀浸不能已實謂有以啓之也所以小人為君
心之蠹耳故綱目直
書以著其欺蔽之罪

綱戊申大中祥符元年春正月有天書見于承天門

大赦改元明發凡書有者所未嘗有者也書曰有天書

文字然則小人之逢迎其君深病之也天何言哉安有

真宗之不辨其偽胥失之矣曰帝自聞王欽若言深

以澶州之盟為辱常快快不樂欽若度鐸帝厭兵因

諺進曰陛下以兵取幽薊見上乃可滌此恥帝曰河

朔也河北生靈始免兵革朕安忍為此可思其次欽若

王欽若請
封禪

封禪當得

天瑞

天瑞人力

為之

禪當得天瑞希世絕倫之事乃可爾既而又曰天瑞

安可必得前代蓋有以人力為之者惟人主深信而

崇奉之以明示天下則與天瑞無異也陛下謂河圖

洛書伏羲時龍馬負圖出於河大禹時神龜負書果

有邪聖人以神道設教易觀卦象傳聖人以神耳帝

沉思久之曰王旦得無不可乎欽若曰臣諭以聖意

宜無不可欽若乃乘閒閒乘閒處為旦言旦黽勉從之

帝尚猶豫見九卷會幸祕閣驟問直學士杜鎬曰古

所謂河出圖洛出書果何事邪鎬老儒不測上旨漫

聖人以神
道設教

賜王巨樽
酒皆美珠

應之曰。此聖人以神道設教耳。帝意乃決。遂召旦飲。歡甚。賜以樽酒。曰。歸與妻孥共之。既歸。發封則皆美珠也。旦悟帝旨。自是不敢有異議。正月乙丑。帝謂羣臣曰。去冬十一月庚寅。夜將半。朕方就寢。忽室中光曜。見神人。星冠絳衣。告曰。來月宜於正殿建黃籙道場。一月當降天書。大中祥符三篇。朕竦然起對。已復無見。自十二月朔。即齋戒於朝元殿。建道場以侍神。既。適皇城司奏。有黃帛曳異左承天門南鴟尾上。令中使視之。帛長二丈許。緘物如書卷。纏以青縷。封處

陳堯叟等
益以經義
附和

隱隱有字。蓋神人所謂天降之書也。旦等皆再拜稱賀。帝即步至承天門。瞻望再拜。遣二內侍升屋奉捧之下。旦跪進。帝再拜受之。親置輿中。導至道場。授陳堯叟啓封。復命堯叟讀之。其書黃字三幅。詞類洪範。見二卷道德經。見四九卷始言帝能以至孝至道。紹世。次諭以清淨簡儉。終述世祚延永之意。讀訖。盛以金匱。見十卷羣臣入賀於崇政殿。賜宴。遣官告天地宗廟社稷。大赦。改元。欽若之計。既行。陳堯叟陳彭年。丁謂。杜鎬。益以經義附和。而天下爭言祥符矣。獨龍圖

孫奭直言

得天書于

泰山

作玉清昭

應宮

加諡孔子
玄聖文宣

王

閣待制孫奭言於帝曰以臣愚所聞天何言哉豈有
 書也帝默然綱三月詔議封禪夏四月以王旦兼封
 禪大禮使綱六月得天書于泰山王欽若詔泰山得
天書授中使馳捧
 羣臣上帝尊號綱作玉清昭應宮奉天書也綱冬十月
 帝封泰山見八卷五帝發京師以玉輅禪社首見
載天書先道凡十七日至泰山禪社首四
 五卷大赦綱十一月帝過曲阜見同謁孔子加諡玄
 聖文宣王綱還宮且帝還羣臣爭頌功德惟進士孫
 籍獻書言封禪帝王之盛事願陛下謹於盈成不可
 遂自滿假知制誥周起亦上言天下之勢常患恬於

以方士為
左武衛將軍

聖祖

丁謂上封
禪祥瑞圖

逸安而忽於兢畏願母以告成爲特帝皆納之
 綱已酉二年春二月以方士王中正爲左武衛將軍
 且先是汀州今福建汀州府人王捷言於南康今江西贛州府遇道
 人姓趙氏授以丹術及小鏡還神劍蓋司命真君也
 是爲聖祖宦者劉承珪以聞賜捷名中正得對龍圖
 閣既東封加聖祖爲司命天尊授中正以官恩遇甚
 厚綱夏四月昇州卽金陵今江
南江寧府大火陝西旱蝗綱三
 司使丁謂上封禪祥瑞圖且丁謂上封禪祥瑞圖示
 百官於朝堂自封禪之後士大夫爭奏符瑞獻贊頌

崔立直言

崔立獨言。水發徐今江南兗今山東旱連江淮。無為

今江南廬州府無為州烈風金陵大火。是天所以戒驕矜也。而

中外多上雲霧草木之瑞。此何足為治道言哉。不省。

贖呂端第

綱庚戌三年春二月贖呂端第。賜其家。目端諸子多

不同處。舊第已質。至於人。帝聞之。出內庫錢贖還之。

令其聚居。端長子蕃言。負人息錢甚多。帝別賜內庫

金帛。俾償之。蕃弟苟與西京洛陽差遣。仍令內侍省置

簿為掌。儻見五三課給其家。王且曰。陛下推恩舊臣。

始終委曲至矣。綱秋旱蝗。綱九月內侍江守恩有罪。

誅。目守恩擅取民麥穗。麥穎杖殺軍士。獄成抵法。太

常博士俞獻卿抗章論救。坐貶。帝嘗謂輔臣曰。前代

內臣恃恩恣橫。蠹政害物。朕深以為戒。故於班秩賜

予。不使過分。有罪未嘗矜貸。王且等曰。前代事跡昭

然。足為龜鑑。陛下言及此。社稷之福也。綱冬十二月。

夏州見上饑。目西夏管內饑。趙德明表求粟百萬。朝

議不知所出。或言德明方納款。見上而敢渝誓。請降

詔責之。王且曰。第詔德明云。已敕有司具粟百萬於

京師。其遣眾來取。德明得詔。慚曰。朝廷有人。

真宗以前
代內臣為
戒

朝廷有人

祀后土于汾陰

孫奭陳不可者十

綱辛亥四年春二月帝祭后土于汾陰大赦見十四卷十六先是羣臣上表請祀汾陰卷十六帝從之以王旦兼大禮使王欽若為禮儀使陳堯叟為經度鐸使正月奉天書發京師是月至寶鼎縣即汾陰祀后土地祗大赦天下建寶鼎縣為慶成軍大宴羣臣於穆清宮而還初將祀汾陰會歲旱龍圖閣待制孫奭上疏陳不可者十且曰陛下纔畢東封又議西幸非先王五年卜征重謹之意今國家土木之功累年不息水旱作沴田聲陰陽氣亂日沴饑饉居多乃欲勞民事神神其饗之乎時

國將亡聽于神

陝州隱士魏野魏野賢於種放

羣臣爭奏祥瑞奭復上言方今野鵬鵞亦作雕大鷲鳥一名鷲山鹿並形奏簡秋旱冬雷率皆稱賀將以欺上天則上天不可欺將以愚下民則下民不可愚將以惑後世則後世不可惑夫國將興聽于民將亡聽于神莊公三十二年神居莘號公使祝應宗區史罵享焉神賜之土田史罵曰號其亡于吾聞之國將興聽于民將亡聽于神陛下何為而不思也帝嘉其忠而不能從綱三月名陝州隱士魏野不至廣太宗之時有魏野皆隱流也夷考其行則野賢於放也野野不求聞達居陝今河南河之南府陝州之東郊為詩精苦帝自汾陰還次陝州遣陝令王希名

之不起。命工圖其所居觀之。綱帝過西京洛陽遂謁諸

陵。夏四月還宮。綱太子太師呂蒙正卒。諡文穆

綱壬子五年夏四月復以向敏中同平章事。目時舊

相出鎮不以吏事為意。惟敏中盡心民事。帝由是有

復用之意。及東封西祀皆以敏中留守。厚重鎮靜。人

情帖然。遂復拜相。綱五月賜杭州隱士林逋粟。布平

杭州隱士林逋

高廣抑考通嘗有詩曰茂陵他日求遺藁猶喜曾無

後世皆知封禪之為非也。逋之識見超越如此。目逋

豈直趙宋間人物。雖司馬子長亦當作衙官矣。目逋

力學善詩不趨榮利家貧衣食不足晏如也結廬杭

州今浙江杭州府城西湖之孤山。帝聞其名。賜以

作會靈觀

粟帛。綱秋八月作會靈觀。貫。奉。綱九月罷參知政

事。趙安仁。目初議立后。安仁謂劉德妃家世寒微。不

如沈才人。見四四卷七出於相門。帝不悅。他日與王欽若

王欽若排趙安仁

從容論方今大臣誰為長者。欽若欲排安仁。乃譽平

之曰。無若趙安仁。安仁昔為沈倫。見六四卷四五所知。常欲

報之。帝默然。未幾罷。安仁雖貴。簡儉若貧。素喜誨誘

後進。時以重德推焉。綱以王欽若陳堯叟為樞密使。

目時天下又安。丁謂參知政事。馬知節為樞密副使。

綱

綱鑑易知錄

五鬼

王旦追思李沆之洗

識

瘦相

王欽若下謂導帝以封祀。眷遇日隆。欽若自以深達道教。多所建明。而謂附會之。與陳彭年、劉承珪等蒐搜講墜典。大脩宮觀。以林特有心計。見十四卷七使為三司使。以幹財利。五人交通。蹤跡詭祕。時號五鬼。王旦欲諫。則業已同之。欲去。則上遇之厚。追思李沆之先識。見上歎曰：李文靖真聖人也。欽若狀貌短小。項有附疣。由也。時目為瘦。頰。相。性傾巧。敢為矯誕。知節。以衆方競言祥瑞。深不然之。每言於帝曰：天下雖安。不可忘戰去兵也。綱冬十月。帝言聖祖降于延恩殿。

聖祖趙玄朗

作景靈宮

改孔子諡

自帝語輔臣曰：朕夢神人傳玉皇之命云：先令汝祖趙玄朗授汝天書。今令再見汝。翌日復夢神人傳聖祖言：吾座西斜設六位以候。是日即於延恩殿設道場。五鼓一籌。先聞異香。頃之。聖祖至。朕再拜殿下。俄有六人至。揖聖祖。皆就坐。聖祖命朕前曰：吾人皇九人中一人也。是趙之始祖。即離座乘雲而去。王旦等皆再拜稱賀。詔告天下。肆赦加恩。閏月上。聖祖及聖母尊號。綱十一月。以王旦兼玉清昭應宮使。綱作景靈宮。奉聖祖也。綱改孔子諡曰以玄字。犯聖祖諱。改玄聖。

綱鑑易知錄

卷六六

宋真宗

二三

為至聖。綱十二月立德妃劉氏為皇后。目后父通為虎捷都指揮使。從征大原。見六四卷四五道卒。后在襁美上聲。衣負兒而孤。鞠也。於外氏善播鼓。蜀人龔美者以鍛銀為業。攜之至京師。年十五入襄邸。真宗初為襄王之邸。見四八卷。帝即位。自美人進位。德妃專寵後宮。郭氏崩。帝欲立之。翰林學士李迪言。妃起於寒微。不可以母天下。帝不從。欲得楊億草制。使下謂諭旨。億難之。謂曰。勉為此。不憂不富貴。億曰。如此富貴亦非所願也。乃命他學士焉。后既立。以無宗族。更以美為兄。改其姓。

李迪諫立劉后
楊億不肯草制

為劉聞李迪之諫。大恨之。后性警敏。曉書史。聞朝廷事能記其本末。帝退朝。閱天下封奏。多至中夜。后皆預聞。宮闈事有問。輒援引故實以對。帝深重之。由是漸干外政。

綱癸丑六年春正月。禁內臣出使于預公事。綱秋七月。

除農器稅。目知濱州。今山東濟南府濱州呂夷簡蒙正姪請免

稅河北。見上卷農器。帝曰。務稽勸農古之道也。豈獨

河北哉。詔諸路並除之。綱冬十二月。獻天書于朝元

殿。目先是帝享玉皇於朝元殿。判亳州。見下謂獻芝

除農器稅

獻天書于朝元殿

草三萬七千本。遂詔扶侍使趙安仁等奉獻天書於

朝元殿。

謁老子于太清宮

綱甲寅七年春正月帝如亳州。見四五卷二二。又謁

老子。見同上。于太清宮。在亳州真宗建以祠老子。先是詔親謁太

清宮命王旦兼大禮使。丁謂兼奉祀經度。鐸制置使。

孫奭諫祀老子

陳彭年副之。加號太上老君混元上德皇帝。孫奭上

言陛下事事慕效唐明皇。指封禪祀老子見四八豈

以明皇為合德之主邪。帝曰東封。東封泰山祀汾汾陰謁

陵寢享老子非始於明皇且開元。明皇禮今世所循

解疑論

用不可以天寶。亦明皇年號。之亂而非之作解疑論以示

羣臣。是月奉天書發京師。遂朝謁太清宮。綱以應天

府為南京。回國初因五代之舊。以大梁為東京。開封

府。洛陽為西京。河南府。後以太祖舊藩歸德軍。見六卷

在宋州。見六四卷四。改宋州為應天府。至是建為南京

作鴻慶宮。以奉太祖太宗聖像。綱二月還宮。大赦。綱

夏六月。王欽若陳堯叟馬知節免。綱知節素惡欽若

之為人。議論未嘗少屈。欽若每奏事必懷數奏。但出

一二。匿其餘。退則以己意稱上旨行之。知節嘗於帝

宋南京

宋應天府

懷中奏何
不盡出

馬知節面
詆王欽若
短

前顧欽若曰懷中奏何不盡出之欽若不悅會瀘
州今四川瀘州都巡檢王懷信等上平蠻功欽若久不決
既而擅超擢之知節因面詆其短爭於帝前帝召王
旦質之旦至欽若猶譁不已知節流涕曰願與欽若
同下御史府旦叱欽若使退帝大怒命付獄旦從容
曰欽若等當黜未知坐以何罪帝曰忿爭無禮且曰
陛下奄有天下使大臣坐忿爭無禮之罪或聞外國
無以威遠願至中書召欽若等宣示陛下含容之意
且戒約之俟少閒如罷未晚也帝曰非卿言朕固難

日食不應

忍月餘始罷欽若知節并及堯叟綱司空張齊賢卒
諡文綱以寇準為樞密使主旦薦綱秋七月以王嗣
宗曹利用為樞密副使八月以向敏中兼景靈宮
使綱冬十二月朔司天監奏日食不應目羣臣表賀
發日食不應何以書所以譏諛也蓋日食不
明應曆官擇術不精而失之也非可賀者也
綱乙卯八年春二月加楚王元佐天策上將軍賜劍
履上殿詔書不名綱夏四月寇準罷目準以三司使
林特附會邪險惡之每事沮抑帝方寵特聞之不悅
謂王旦曰準剛忿如昔旦曰準好人懷惠又欲人畏

王且不報
寇準

威皆大臣所當避而準乃以為已任此其所短也非
至仁之主孰能容之準竟以是罷初準數朔短且於
帝而且專稱準帝謂且曰卿雖稱其美彼專談卿惡
且曰理固當然臣在相位久政事缺失必多準對陛
下無隱益見其忠直此臣所以重準也帝由是益賢
且中書有事送樞密院違詔格準以上聞且被責拜
謝堂吏皆坐罰不踰月樞密有事送中書亦違詔格
堂吏欣然呈曰且令送還樞密而已準大慙謝及罷
準託人語去聲且求為使相見五九且驚曰將相之任

王且大度

王且密薦
寇準

豈可求邪吾不受私請也準深憾之已而除準武勝
軍見上節度使同平章事判河南府準入見謝曰非
陛下知臣安能至此帝具道且所以薦者準愧歎以
為不可及

何異周顛
斥王導

雲間張氏曰準以使相求王且而且不惟深拒
之而且攻發其陰私是何異於周顛之斥王導
邪然伯仁受導之寬子明被準之憾其機一也
夫君子寧為伯仁子明之為而不願為導與準
之所為也雖然伯仁子明之為而周顛見三
子明無乃言之過歟註音卷二六

朝元殿火

綱以王欽若陳堯叟為樞密使朝元殿火秋九
月王嗣宗罷綱樞密直學士知陳州今河南開封府張詠

張詠乞斬
丁謂

張正隨賜
號真靜先
生

世以鬼道
惑衆

卒。詠臨卒，上疏言：「不當造宮觀，竭天下之財，傷生民之命。此皆賊臣丁謂誑惑陛下，乞斬謂，頭置國門以謝天下。然後斬詠，頭置丁氏之門以謝謂。」帝歎其忠，謚忠定。綱賜信州道士張正隨號真靜先生。目初漢張魯子自漢川今陝西徙居信州廣信府龍虎山，見三五卷十世以鬼道惑衆正隨其後也。至是名赴闕，賜號王欽若為去聲奏立授錄院及上清觀，綱其田租自是凡嗣世者皆賜號。

綱丙辰九年春正月，以張旻民為樞密副使。目先是

王旦善處
大事

王旦諫賀
死蝗

旻為馬軍副都指揮使，被旨選兵，下令太峻，兵懼謀欲為變。上召二府中書樞密議之。王旦曰：「若罪旻，則自今帥臣何以禦衆？捕謀者則震驚都邑。今但擢旻使解兵柄，反側者當自安矣。」帝從其言，兵果無他。帝語去聲左右曰：「王旦善處大事，真宰相也。」綱夏六月，歲其內蝗，目帝遣人出郊，得死蝗以獻，因以示大臣。明日執政遂袖死蝗進，曰：「蝗盡死矣，請示於朝。」率百官賀。王旦曰：「蝗出為災，災弭米息也幸也。又何賀？固稱不可。後數日，二府方奏事，飛蝗忽蔽天。帝顧旦曰：「使百官方

賀而蝗如此豈不為天下笑邪綱秋八月知秦州今

西鞏昌曹瑋敗吐蕃吐谷渾西南于伏羌砦在鞏昌

府伏羌縣目瑋在秦州屢請益兵備吐蕃也帝不悅問李迪邊

將誰可代瑋者迪曰瑋知唃廝囉吐蕃贊

宗哥城尋欲窺關中今陝西故請益兵為備非怯也

乃詔發關內即關中兵赴瑋未幾唃廝囉與宗哥

族連結入寇使牒者今聲言以某日下秦州會

食以激怒瑋瑋勒兵不動坐俟其至大破之夷其矣

帳斬首千餘級自是唃廝囉勢蹙退保沙積中

李迪知曹瑋

曹瑋大破唃廝囉

王旦瞑目不覽

中不出綱九月丁謂陳堯叟免以陳彭年王曾張知

白參知政事任中正為樞密副使目彭年初入翰林

為學士嘗謁王旦且辭不見翌日向敏中以彭年所

上文字示旦且瞑目不覽曰是不過興建符瑞圖進

取耳已而彭年附王欽若丁謂朝廷典禮無不參預

帝甚寵遇及升內閣蛤而李宗諤卒楊億罷彭年獨

任事務叢委形神皆耗帽舉止失措至家人有

不記其名者昏

雲開張氏曰觀王旦之告敏中則知其非不知符瑞之為妄也特以受賂之故是以中無所不知

而終不能行其志耳。易曰：比之無首，凶。書：苗受

李迪諫上水之役

綱罷諸營建。目李迪言陛下土木之役過甚，蝗旱之

災殆天意以警陛下也。帝深然之，遂罷諸營造，禁天

下貢瑞物，詔民能賑貧者，官之。未幾，得雨。青州今山東青

府飛蝗多，赴海死。

詔民賑貧

尺木堂綱鑑易知錄卷六

早稲田大学図書館

011688996556